

ԲԱՐԵՍԻԱԻՍ ՈՒՆԵԼՈՎ ԱՌԱՍՏՈՒԱԾ ՉՍՈՒՐԲ ԵՍԱՅԻ
ԵՒ ԶԵՐԱՆԵԼԻ ՀԱՐՍՍ ԵՍՎԱՂԱՆ ԱՐԱՐԻ
ՎԱՍՆ ԹՈՂՈՒԹԵԱՆ ՄԵՂԱՅ ԶՅԵՇԱՏԱԿՍՐԱՆՍ ԶԱՅՍ

Եսվազան կամ Արսվազան է անուն արքային Ազվանից՝
'ի խնդրոյ սորա արար նշանագիր ազգին Ազվանից Ս.
Վարդապետն Մեսրոփ (420) : Ուստի գրեալ է տապա-
նագիրս 'ի ժամանակս Ս . Սահակայ և Մեսրոփայ և թա-
գաւորին Արսվազանայ , որպէս յայտնի կացուցանեն հը-
նու թիւնք տառիցն :

Դարձեալ առանձին տապանագիր մուզայիւք յայլուր :

ՎԱՍՆ ԱՂԱԻԹԻՅ ԵՒ ՓՐԿՈՒԹԵԱՆ ԹԵՒԱՅ
ԱՐԱՍՈՒ ԵՒ ՄԱԻԿԱՆ

Սորա չգտանին 'ի Պատմագիրս՝ թերեւս իցեն յազգէ
Ազվանից : Զայսուիկ Հայկական հնութիւնս վանահայրն
Ռուսաց պահեաց զգուշութեամբ :

Յարեւմուտս կոյս և կից սոյն վանաց՝ դուռ դարձեալ
վանք Յունաց ձեռամբ սոյն վանահօր . եկեղեցին յատա-
կեալ կիսով չափ սպիտակ մարմարիննեաւ ներկեալ ար-
եամբ 'Քրիստոնէից՝ և մնացեալքն մուզայիւք , և 'ի մէջ ե-
կեղեցւոյն գերեզման մի Յունական տապանագրաւ . յայսմ
տեղւոջ եւս կանգնեաց վանահայրն եկեղեցի վայելուչ կո-
փածոյ քարամբ և գմբեթաւոր :

3°. Մժավանքն (՝) յանուն սրբոյ Քառասնից՝ մերձ 'ի
նա , զոր Տաճիկք ունին :

Այս վանք է 'ի հիւսիսային կողմն Ս . Կարապետի իր-
րեւ քարքնկէց մի . հիմունք , չրջապատ որմոց միայն երե-
ւին այժմ . 'ի կեդրոնի կանգնեալ են Արաբացիք գմբեթ
և կոչեն ըստ բարբառոյ իւրեանց Գուպլէի եւ արպայն շո-
հաբէ , գմբեթ 40 Մարտիրոսաց ըստ աւաջին անուան
իւրոյ , և մի մասն գերեզմանատուն գիւղականաց : Աստ
եւս գոն գերեզմանք նախնեաց մերոց , բայց ծածկեալ են
Արաբացիք :

(՝) Թերեւս Մժեժ :